



Na osnovu člana 46. stav 4. Zakona o Budžetima u Federaciji BiH ("Službene novine FBiH", 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25a/22 i 7/25), člana 12. stav 2. Zakona o finansijskom upravljanju i kontroli u javnom sektoru u Federaciji BiH ("Službene novine Federacije BiH", br. 38/16), tačke 23. Smjernica o minimalnim standardima dodjele budžetskih sredstava putem transfera i subvencija u Federaciji BiH ("Službene novine Federacije BiH" br. 37/24) i člana 3. Pravilnika o uslovima, načinu i kriterijima za dodjelu sredstava lovačkim društvima i udruženjima, broj: 04/3-11-1846/25 od 05.08.2025.godine, Općinski načelnik općine Ilijaš raspisuje:

JAVNI POZIV
za prikupljanje zahtjeva lovačkih društava/udruženja radi dodjele sredstava za
finansiranje/sufinansiranje iz Budžeta Općine Ilijaš za 2025.g.

A/. Pozivaju se lovačka društva/udruženja lovačka društva/udruženja registrovana u skladu sa odredbama Zakona o lovstvu i Zakona o udruženjima i fondacijama, a koja imaju zaključene ugovore o korištenju/gazdovanje lovištima na području općine Ilijaš da podnesu zahtjeve za projekte koji će se finansirati/sufinansirati iz sredstava Budžeta Općine Ilijaš i to:

- a) projekat/program koji doprinosi zaštiti, održavanju i poboljšanju životnih uslova za divljač u lovištu izgradnjom lovno-uzgojnih objekata (pojila, hranilišta, solila, spremišta za hranu, automatske hranilice i sl),
- b) projekat/program koji doprinosi čuvanju i zaštiti divljači i lovišta održavanjem i izgradnjom lovno-tehničkih objekata (čeke, kolibe, staze, hladnjače za divljač, lovačke kuće, lovački domovi i sl.).

Planirani iznos sredstava za raspodjelu iznosi 20.000,00 KM.

Lovačkim društvima i udruženjima, Služba može predložiti dodjelu sredstva, na sljedeći način:

- za projekte čija je vrijednost do 5.000,00 KM, da se dodijele sredstva u iznosu do 80% ukupnog iznosa projekta;
- za projekte čija je vrijednost od 5.001,00 KM i više, da se dodijele sredstva u iznosu do 50% ukupnog iznosa projekta;

Administrativni troškovi na projektima ne mogu biti predmet finansiranja/sufinansiranja.

B/. Prijava na javni poziv treba da sadrži:

- Zahtjev za dodjelu sredstava (LZ-1) koji sadrži:
 - o detaljno obrazloženje sa preciznim informacijama o projektu,
 - o planiranim aktivnostima,
 - o visinom i traženim iznosom sredstava,
 - o namjenom sredstava,
 - o rokom za realizaciju sredstava,
- Registraciju udruženja kod nadležnog tijela – aktuelni izvod (ovjerena kopija),
- Ovjerena izjava o namjenskom utrošku sredstava po kandidovanom projektu (Obrazac IZ-1 – ovjeren od nadležnog organa),
- Ovjerena izjava o finansiranju/sufinansiranju projekta (Obrazac IZ-2 – ovjeren od nadležnog organa),
- Dokaz da korisnik lovišta ima sa Ministarstvom privrede Kantona Sarajevo zaključen ugovor o zakupu lovišta (ovjerene kopija),
- Broj članova (dokaz-revidirani spisak članova ne stariji od godinu dana),
- Dokaz da je podnosilac uplatio zakupninu za korištenje lovišta za lovnu sezonu (ovjerena kopija),

- Dokaz da je korisnik lovišta dobio saglasnost Ministarstva privrede Kantona Sarajevo na Godišnji plan gospodarenja lovištem (ovjerena kopija),
- Potrebne dozvole i saglasnosti (urbanističke, građevinske, sl.) ukoliko se radi o radovima koji podrazumijevaju ovakvu vrstu dokumentacije,
- Dokaz o obezbjeđenju dijela sredstva (ukoliko su u pitanju građevinski radovi vrijednosti preko 10.000 KM),
- Bankovna instrukcija za plaćanje (potvrda o broju tekućeg računa)

NAPOMENA: Lovačka društva/udruženja koja apliciraju sa više projekata, u jednoj zapečaćenoj koverti dostavljaju jedan set obavezne dokumentacije, a za svaki naredni aplicirani projekat u posebnoj koverti dostavljaju potpunjen aplikacioni obrazac (zahtjev).

Na poledini koverta obavezno naznačiti naziv aplikanta, adresu i kontakt telefon ovjeren pečatom.

C/. Zahtjevi po javnom pozivu dostavljaju se u zapečaćenoj koverti na protokol Općine Ilijaš, ul.126 ilijaške brigade br. 16, 71380 Ilijaš sa naznakom "Prijava na Javni poziv za prikupljanje zahtjeva lovačkih društava/udruženja radi dodjele sredstava za finansiranje/sufinansiranje iz Budžeta općine Ilijaš za 2025.g." sa krajnjim rokom 07.09.2025. godine do 15:00 sati.

Konkurs će biti objavljen u na Oglasnoj ploči, web, Facebook i Instagram stranice Općine Ilijaš. Neblagovremene i nepotpune aplikacije neće se uzeti u razmatranje.

D/. Projekti neće biti finansirani, ako :

- o nisu resornoj Službi dostavili izvještaj o utrošku odobrenih sredstava iz Budžeta Općine Ilijaš za 2024.g. ;
- o zahtjeve čija vrijednost prelazi iznos ukupno planiranih sredstava u Budžetu, bez dokaza o obezbjeđenju dodatnih sredstava od strane drugih donatora

F/ Kriteriji za ocjenu

U skladu sa Odlukom o izvršavanju budžeta Općine Ilijaš za 2025. godinu odabir projekata i programa za finansiranje će izvršiti nadležna Služba, a u skladu sa sljedećim dokumentima:

- Pravilnika o uslovima, načinu i kriterijima za dodjelu sredstava lovačkim društvima i udruženjima, broj: 04/3-11-1846/25 od 05.08.2025.godine

Sa odabranim aplikantima (korisnicima sredstava) Općinski načelnik će sklopiti ugovor o odobravanju sredstava za finansiranje programa ili projekata u roku od 15. dana od dana donošenja odluke o dodjeli budžetskih sredstava.

O rezultatima po podnesenim aplikacijama učesnici će biti obaviješteni putem Oglasne ploče, web, Facebook i Instagram stranice Općine Ilijaš.

Kontakt : Služba za privredu i finansije
– 033 580 666

Broj : 04/3–11–1845/25
Ilijaš, 06.08.2025.godine

